



武庫志
 貳百廿九之貳百廿壹

ケ 5
 61
 78





武備志卷一百二十九

防風茅元儀輯

度載

度 四十一

四夷 七

朶顏三衛考

三衛在大寧都司北曰朶顏福餘泰寧其地在春
秋為山戎秦為遼西郡北境為奚契丹所據東漢
征敗之其酋走匿松漠間後魏之先復居故地號

武備志卷一百二十九 占度載 度

明治
月 年
日 未

庫莫奚後屬契丹名兀良哈今猶仍其稱元卽奚
都地置大寧千戶所國初置行都司及營州等衛
洪武十四年封子權爲寧王守北藩時宋國公馮
勝征納哈出上諭令據大寧塞分兵列戍以控制
之至出內帑鈔募民輓粟餉軍勝遂築大寧寬河
會州富峪四城每師出輒留重兵爲守卒破降納
哈出二十一年故元宗室遼王阿里失禮及朶顏
諸酋奏願內附詔立三衛以居自錦義歷廣寧至
洮河爲泰寧衛以阿里失禮爲指揮使答賓帖木

兒爲同知自黃泥窪踰潘陽鐵嶺至開原爲福餘
衛以海撒男答爲指揮同知自全寧抵喜峰近宣
府爲朶顏衛以脫魯忽察兒爲指揮同知各領部
落爲外藩畜牧遷徙從其俗靖難兵起先襲破大
寧盡拔諸軍及三衛胡騎挾寧王入松亭關事乎
招三衛奉職如高皇帝時盡官其酋與約歲再貢
衛毋過百人其後屢告饑許以馬易糧小小人犯
璽書詰責許以馬贖罪比馬至復償以布其易糧
者上馬至十五石絹三疋邊爲之困後乃以都督

劉江議裁馬直半給布絹是時寧王徙藩江西都
司及諸衛皆遷內郡大寧地虛三衛因竊據出沒
塞下外睽就中國而內通虜永樂二十年上北征
阿魯合曰虜恃兀良哈耳必剪兀良哈乃簡步騎
五萬令諸將分五道往而身率兵邀其西走五軍
會兀良哈果驅馬牛羊車輛西走陷澤中上麾兵
殿之所首數百級相蹂躪死者甚衆已乘高望見
寇衆復聚乃分左右翼夾擊而令甲士持神機銃
入深林中爲覆曰寇至乃發已寇突而左右師馳

之走林中林中伏卒起虜驚走渡河大潰死傷略
盡餘數百人躍馬走上曰此虜酋所居疾擊之追
奔三十里蕩其巢而還三衛自是創復稍稍自歸
上亦賞其罪待如初昭皇帝立更給福餘衛印并
釋前所虜部酋帖格歹從指揮安出請也章皇帝
初貢不時至邊將請討之詔飭部伍防守而已毋
輕議兵宣德三年秋上大閱行巡邊駐蹕石門守
將奏兀良哈萬衆侵邊已入大寧經會州將及寬
河諸將咸欲擊之或請益徵兵上曰孽虜無能爲

也朕以鐵騎三千出其不意擒必矣遂夾親征下令選士三千人人二騎持十日糧夜銜枚出喜峰口馳四十里昧爽至寬河距虜營二十里虜望見我軍以爲乘障卒易與悉衆來戰上中分其騎爲兩翼親射其前鋒三人殪之兩翼矢如注繼神機銳疊發虜大潰走上以數百騎追之虜望見黃龍旗知上親在也悉下馬羅拜生縛之斬其酋命諸將搜山谷務窮虜巢忠勇王金忠者故韃靼名主子也及其甥都督把台請自効上從之或言虜其

類也往必不反上不聽竟遣之忠與把台果大獲虜人馬牛羊數百至上命酒賜以金爵顧謂侍臣王者用人宜誠如朕昨懷疑聽人言將失二人心或言夷族叵測上曰漢用金日磾何不可耶時天子神武閑於兵士馬精強所任皆効力故一戰大克六年詔諭三衛蠲其罪使自新其明年更給泰寧衛印以舊印奪於虜而福餘印亦以虜再失至正統元年再給睿皇帝初三衛復通虜酋脫懽及女直伺塞下屢詔戒諭之二年春三衛酋阿魯歹

武備志卷三十一
等以五百騎掠葭州爲邊兵破歸獨石守將楊洪
邀之西涼亭生擒百戶乞麻里等奪所掠上命集
兀良哈使臣於市戮示之隨諭都指揮安出等近
邊臣屢擒盜邊者訊之皆爾部人爾其縛首惡來
獻毋匿叛安出使指揮伯都哈孩等入貢其言其
人已遠遁無從捕再勅索之其明年夏三衛酋歹
都等言賞薄互市失利非文皇帝故事上因其使
陛辭勅諭歹都文皇帝以爾通阿魯古歲徵爾馬
三千匹贖罪爾俛首聽命朕實爾寬而妄意無厭

是速敗也其亟改圖不者將貽悔其秋楊洪復破
其五百騎于白塔兒璽書褒洪五年使者易農具
歸關吏阻之其酋以爲言詔聽歸其明年福餘所
部脫火赤完哈等以射獵爲名掠邊關被擒其明
年復掠遼東守將曹義擒其酋于台皆命磔于市
其明年虜酋脫懽死子也先嗣益驚橫屢犯塞朵
顏乘是愈擾邊然多不過百餘騎明年秋三衛乃
並入寇命成國公朱勇率諸軍分道出喜峰口諸
處都督同知楊洪出黑山東西齊舉並擊兀良哈

勇等渡柳河經大小興州過神樹至全寧遇福餘
逆戰敗之次虎頭山及流沙遇泰寧朵顏又敗之
洪至克列蘇俘斬安出部賊各奏功自是三衛寢
衰然怨我刺骨因通也先導之入寇矣而其引貢
中國如故安出夕都言女直來侵且修怨詔戒止
之亦時時以瓦刺暴掠聞輒賜勅存慰許急則避
居近邊十二年春都御史王翺同總兵曹義巡塞
外至廣寧兀良哈伏林中義圍擊敗之別將胡源
出開原集禮出寧遠各有斬獲褒賞翺等有差十

四年福餘泰寧結也先入寇朵顏獨扼險不肯從
虜不得利大掠三衛人畜去三衛益衰而朵顏獨
強盛竟與虜合我是以有土木之變嗣後三衛入
貢往往雜入北虜使中窺我遇北使厚心不能無
望且以我虞虜也故常挾虜為重以結婚迤北聳
邊吏盡沒遼河東西三全河北故地蘄遼從此脊
脊多事矣景泰三年三衛遣人言也先將以冬月
住哈刺莽來召衛酋往議事兵部尚書謙議也先
貢使絕而三衛使遁至疑為虜間宜令邊臣嚴為

此時方
蓋失

備因條上防禦諸事詔從之五年泰寧都督僉事
革千帖木兒上書乞大寧廢城及甲盾謙復持不
可帝心難予城又重絕三衛權乃用廷臣議遣譯
者語之大寧城迫近塞不便射獵又炎暑恐生疾
疫非所宜居其去塞二百里住牧毋犯邊吏約甲
盾不爾各寇至則給其明年革千帖木兒及朶顏
諸酋來朝乞犁鏵種糧及耕地自給詔予糧三十
石其明年入邊叅政葉盛督軍破走之天順三年
虜酋字來謀掠三衛詔諭革千帖木兒使修備緩

急來告隨晉革千帖木兒為左都督其明年革千
帖木兒死弟兀研帖木兒代領衆部落不附乃從
朶顏都督朶羅干請以其子脫脫字羅為都督僉
事領父職是時三衛多與字來通貢使浮常額故
事貢道出喜峰口景泰末已闌從獨石萬全右衛
入至是乃隨字來使者俱入雲中邀厚賞我待之
如故仍戒邊臣毋盡納至成化元年酋字來為請
賞結三衛心詔諭字來國家待四夷輕重有等成
憲具存三衛違貢道舍東而西無誅為幸其又何

厚焉其年復犯邊遣都督李鐸往諭至泰寧而還
兵部劾鐸奉使無狀請速治詔貸之泰寧衛酋隨
請於塞下市牛及農具并乞蟒衣制勿與蟒其他
聽與民交易其明年詔虜使毋通朵顏已又戒邊
臣備采顏通虜五年詔一衛賞賁外毋進海青兒
鶻其後屢以馬市請兵部持不可至十四年命兵
部侍郎馬文升和輯女直三衛而通事百戶王英
嗾幸奄汪直使攬文升功三衛乘間申前請且欲
改貢道從開原復以兵部議格而三衛亦要索無

已時大抵自天順後北虜諸酋反覆相殘跡並陰
結三衛伺我然亦不敢大為寇而總兵梁銘頗以
威名著弘治二年請增貢不許其後小小入邊或
絕貢我輒嚴備至十年守臣張瓊楊友出塞燒荒
掩殺邊釁遂起十七年朵顏通小王子入寇上御
煖閣召輔臣議語在北虜考時朵顏部落益蕃累
侵盜而諸部花當為貴種花當次子把兒孫恃驍
勇敢深入益為中國患正德四年泰寧酋滿蠻率
部落二萬餘欲附居塞下避北虜守臣以聞兵部

議許居故鎮安堡第戒邊臣毋縱虜內蹂從之其
後花當累請增貢且謂不得請則絕貢詔暫增今
歲後如故而花當請益堅我不能從乃遂通小主
子部落自點魚關毀垣入殺參將陳乾及指揮談
茂馬英等遣都督桂勇討之兵尚書王瓊建議論
花當必以把兒孫償乾乃罷兵許貢花當言把兒
孫已遠遁請入馬贖殺乾罪瓊初持議堅後竟許
花當貢班師未幾復入寇參將魏祥全軍沒終正
德世不能討肅皇帝立都御史孟春言把兒孫修

貢謹又歸我人畜請予一秩詔予千戶給事中許
復禮謂不宜予事乃格是時把兒孫與小主子婚
屢誘虜入寇都督馬永禦之頗有斬獲孟春復請
毋借一官以餌虜御史盧瓊疏罷之未幾把兒孫
死革蘭台爲都督革蘭台父革列字羅花當長子
也早死把兒孫狡悍謀奪嫡然種人不附附革蘭
台至是乃得襲時嘉靖十年也革蘭台立隨入寇
漁陽諸小關皆殘破撫臣王大用頗有遠略欲厚
賂城其霧靈山不果革蘭台又乞晉秩大用持不

可屬虜酋阿堆哈利赤數殺掠建昌喜峰口太平諸塞御史連疏詆大用啓累奪其官虜益張邊廢耕牧而朵顏亦益輕我二十年革蘭台遂復求增貢不許時時暴塞下輒云結小王子且夕入寇會虜自雲中深入太原邊臣恐因曰山海關諸邊連歲無警亦是酋功也宜予賞詔從之其明年復誘虜犯青山口內詔以侍郎胡守中往勦撫守中儉嗜利盜內帑金多又擅出塞盡伐遼金以來松木百萬自撒藩籬徧索富人舊將領金錢言官劾守

中論死西市巡撫徐嵩以阿事守中削籍已有發嵩乾沒狀者逮謫戍其明年總兵卻永出塞襲李家莊斬四十級李家莊者朵顏別部也善盜邊然不通大虜亦能盜虜馬每往輒呼我戍卒曰吾往盜馬耳無我虞也役而善射虜追之輒入險不能逼頗爲邊障是役後遂恨我往往合大虜爲梗而遼東塞亦以朵顏故連中虜我兵禦之互有勝敗二十七年革蘭台死子彰克襲故事三衛酋皆以貢時身受職闕下至革蘭台父子乃遣入代請我

不能詰項之有庚戌之變虜時言遼陽軍道我來
虜呼朶顏爲遼陽軍故云自是調邊兵入衛及移
戍薊無虛歲三衛滋勾引莫誰何三十年咸寧侯
仇鸞請征之樞臣趙錦督臣何棟議不可撤藩籬
引寇自近事遂寢其年冬誅逆酋哈丹兒陳通事
舟兒通事皆邊民爲夷酋幹堆板卜所獲更姓名
充貢使大爲虜謀先是虜謀犯京東舟兒爲言湖
河川可入比逼古北口復傳虜西還諛我畿甸爲
殘至是虜求開市舟兒煽搆其間何棟計擒之始

伏法其後楊博爲總督復購殺其首惡通漢夷稍
戢三十八年虜把都兒十萬騎挾朶顏酋影克哈
孩爲鄉導我謀多被殺虜遂潰墻深入督臣王忬
誅死其明年影克勾把都兒犯一片石遊擊郭琥
敗之四十二年糾東西虜二十萬由墻子嶺入大
掠畿內督臣楊選誅死隆慶元年夷酋董忽力勾
土蠻十萬入寇勢甚猖獗折墻出至捧樞崖迷失
道墜坑死無算語具虜考是後督臣譚綸總兵戚
繼光協謀練兵增垣控制有方迄隆慶三衛奉職

稍謹虜亦無大舉邊恃少安衛制首秦寧久福餘
而朶顏末今朶顏盛故以為首稱曰朶顏三衛云
二衛皆勾虜而朶顏為甚大抵夷性喜偷剽善反
覆虜眾至則逢之為導而貪中國賜予燕撫厚亦
時時以虜信告我得預防故追之則毆使為虜信
乏則墮其計善馭之則因用為間雖藩籬失而耳
目猶在不能絕亦不可絕也其地東接海西西連
開平北抵北海南達薊遼俗與韃靼同其山曰馬
孟廣袤千里以中峰形似故名產馬橐駝黃牛青

牛瑪瑙鵲樺皮白葡萄

茅子曰吾嘗聞之葉少師云兀良哈之為中國利
害甚明也分闡建藩高皇之慮遠矣內徙於文皇
非得已也干戈初戢障塞尚虛愛弟之請難裁征
戍之勞在念權宜移置姑待後圖觀其次鳴鑿鎮
有滅殘虜守大寧之諭彼何嘗遽割以資夷哉犁
庭甫定榆木變興雄謨莫究遺憾可知章皇寬河
之役威折奸萌假令乘勝長驅刈殘酋復舊疆善
繼善述誰曰不宜願上有雄略之主下無謨遠之

臣後且并開乎而失之遂使要害藉於犬羊而宣
逾隔若胡越禦戎之策從茲絀焉失西河套而東
大寧失之皆我害也然河套猶明知其奪於虜而
時圖恢復乃大寧藉口於文皇職方氏遂視若三
衛之固有無敢談及故實莫稽而傳譌日甚可勝
嘆哉嗚呼至哉斯言箴以加矣

武備志卷一百二十九

武備志卷一百三十

防風茅元儀輯

占度載

度 四十二

四夷 八

日本考

日本古倭奴國在東海中地分五畿七道二島又
附庸國百餘大者五百里小者百里最強大桀黠
漢滅朝鮮通使稱王者三十餘國其後天村雲尊

立累傳皆稱尊神武天皇立累傳皆稱天皇亦間
立女王時與中國通唐咸亨初改號日本元世祖
使趙良弼招之不至遣唆都范文虎將十萬兵往
征至五龍山暴風舟覆軍盡沒終元世絕不通國
朝洪武二年倭寇山東淮安明年再入轉掠閩浙
上遣趙秩語其王良懷爾能臣則來毋患吾邊
不能則善自爲備良懷言蒙古嘗使趙良弼好語
歸我襲以兵今使者得毋良弼後乎其亦將襲我
也欲刃之秩爲具言所以來宣國家威德耳豈狙

汝耶良懷氣沮乃遣僧隨秩奉表稱臣入貢上亦
遣克勤仲猷二僧往諭然其爲寇掠自如瀕海郡
縣迄無寧歲乃下令造海舟防倭德慶侯廖永忠
請備輕舸以便追逐從之七年來貢無表文其臣
民久私貢並却之九年表貢語謾詔詰責之十三
年再貢皆無表以其征夷將軍源義滿所奉丞相
書來書倨甚命錮其使明年復貢命禮臣爲檄數
而却之已復納兵貢艘中助逆臣胡惟庸惟庸敗
事發上乃著祖訓示後世毋與倭通而令信國公

湯和江夏侯周德興分行海上視要害地築城設
衛所摘民爲兵戍之防禦甚周倭不得間小小入
與我軍相勝敗永樂元年王源道義遣使入貢上
賜冠服文綺給金印道義稍捕獲諸島寇來獻賜
資甚豐封其山碑而銘之于勘合十年一貢八年
道義死子源義持立遣使往封項之我兵獻海上
俘其首皆倭人羣臣請誅之上釋歸璽書下義持
爾父畏天事大職責不愆先烈之不圖而輕干上
國爾罪在必討朕所以隱忍者未忘爾父之恭耳

爾其思之義持奉表謝罪禮其使遣歸未幾復寇
遼左都督劉榮大破之初榮偵倭至卽伏兵望海
塢而別遣奇兵斷其歸路倭中伏奔捕讎無孑遺
當是時我方招來諸島夷絡繹海上倭乘爲欺詐
瀕海復騷賴是捷遂戢論功封榮廣寧伯宣德七
年以日本貢久不至命中使諭其王源義教明年
來貢自後遞貢遞掠備嚴則貢得間則掠與之期
不遵我亦取羈縻示寬大而已倭益肆無忌至焚
宮庾民舍縛嬰兒竿上天以沸湯卜孕婦男女剖

正德志卷三十三
視賭勝為樂，慘毒不忍言。至成化，特廷臣始有發
憤議，却其貢者，而竟格不行。正德四年，王源義澄
遣宋素卿來貢。素卿者，鄞人朱縞也。逃入倭，有寵
於其王，易姓名，克使其族人相與耳目，為好利守
臣。白發之，禮臣恐失外夷心，置不問。素卿厚賂，關
瑾賜飛魚服，遣歸嘉靖二年，再奉使。至是，時國主
源義植，屢諸島爭貢，以邀利。大內藝興遣宗設謙
道先素卿至，俱留寧波。故事，夷使以先後至為序，
市舶中官賴恩壘素卿財。先素卿宗設大忿相讎。

殺戕，指揮劉錦、袁璉大掠寧波，奪舟去。巡按御史
以聞，禮臣仍右素卿，以給事御史言，乃下素卿獄。
論死，沒其貲。絕貢者十七年。至嘉靖十八年，其王
源義晴復貢，乞易勘合。還，素卿賞不許，仍申約。貢
必如期，舟三人，百不者，却勿受。夷性婪，違約如故。
內地奸豪往往與為市，不償。直夷索通急，則啗喝
官府，以縱寇為辭。兵出，則陰泄之。倭速其去，且樹
德也。如是者久之。倭大恨，言我挾王賞而來，不得
直，何以歸報。因盤據島中，我亡命無賴及小民迫

於貪酷饑寒困苦者咸相率從亂東南之禍大作於是朱統以巡撫治之統日夜飭兵嚴糾察上章暴勢豪交通罪奸謀稍解統竟爲豪所中自殺賊益猖獗二十一年殘浙東明年犯太倉破上海崇德嘉善諸邑時王忬爲巡視忬經略摘發頗有緒旋移大同去李天寵代將則盧鏜湯克寬俞大猷是時倭至無虛月屯據柘林川沙窪青村陸涇壩諸處四出流剽而柘林賊最劇鏜戰孟宗壩大猷戰金山衛天寵合諸將兵戰烏程縣之窰墩皆

不利別將李逢時率山東兵戰新涇橋小勝隨大敗二十二年張經爲總督經前總督兩廣有威惠計調廣兵禦倭兵未集而工部侍郎趙文華以禱海至文華素負緣大學士高貴幸頤指經經自以大臣位其上自重不爲下文華屢促出師經以兵機秘業已刻師期不告也文華遂劾經養寇并及天寵詔逮訊時經已與賊大戰王江涇破走之斬首千九百八十有奇進攻陸涇壩賊又敗之斬首二百七十有奇焚其舟三十餘艘倭大創業上疏

自理不聽竟論死西市以周琬代經胡宗憲代天
寵琬未幾去以楊宜代屬文華督察其師倭來者
益多大眾掠江北焚漕舟文華盛集兵戰于陶宅
敗績遂還朝應天巡撫曹邦輔再戰再敗惟蘇松
叅政任環戰稍捷賊別部自日照登掠顧榆自上
虞登掠高埠皆不滿百人官兵莫能禦高埠賊轉
掠浙西南直破南陵深水橫行數千里殺傷無算
至蘇州乃滅諸將大猷等逐賊海上頗有斬獲而
闕廣倭大至三十五年楊宜罷去宗憲代阮鶚代

宗憲文華復出督師時浙賊惟陳東最強徐海後
至與之合叅將宗禮率所部河朔兵九百人與戰
於崇德三遇三克追踰橋橋陷兵潰禮死之賊進
圍鶚於桐鄉鶚固守不能拔乃解去而宗憲欲搆
二賊乃遣人至海所若為好語者東疑之宗憲則
厚賂海使執東自贖海許諾即計擒東及其黨麻
葉等百餘人以獻而自率其衆別營梁莊官兵遂
圍東巢盡殲其餘黨進攻海於梁莊海死別部據
舟山俞大猷攻之未下會夜大雪大猷督兵進賊

拒戰敗歸巢擁柵自固我兵縱火焚之斬首百四十餘級餘悉死巢中兩浙平其明年誅王直王直者徽人也嘯通海上能號召諸夷治大船巢五島中奸商王激葉宗滿謝和王清溪等共集衆與相署置倭之來皆直等導之宗憲欲招之乃迎其母妻至杭供具犒慰甚厚而先是鄞諸生蔣洲者上書督府言能說日本使禁戢諸夷毋內犯宗憲遣洲行以諸生陳可願副之至五島直邀入爲言日本方亂往無爲也誠令我輩得自歸無難倭矣遂

遣養子毛臣同可願還具白直語而傳送洲至豐後島其島主留洲稍爲傳諭諸島居二歲乃遣僧德陽及夷自四十人隨洲來入貢直亦許俱至而宗憲亦遣毛臣歸報直所以遊說百端至是直乃來御史王本固疏言不宜招直異議闕然直至覺有異乃先遣王激入見宗憲曰吾等奉招而來謂宜信使遠迎宴犒交至也今行李不通而兵陳儼然公母誑我乎宗憲曰國法宜爾母我虞也與約誓堅苦直終不信曰果爾可遣激歸宗憲立遣之

復以指揮夏正爲質直乃使毛臣王激守舟而身
入見頓首言死罪且陳其與洲戮力狀宗憲慰藉
甚至今居獄中俟命疏聞詔誅直始宗憲本無意
殺直以本固爭之強議者且謂其受直金欲貸其
死故宗憲懼不敢爲請直死王激毛臣殺夏正率
餘衆據舟山征之踰年乃解三十八年倭寇江北
分數道入巡撫李遂馳至如臯與賊遇白蒲諸將
言宜及其未定擊之遂曰夫戰貴得地賊方銳而
我軍未嘗見大敵卽小挫難復矣約勒軍中毋得

言戰賊益進遂策曰賊分道入過如臯必且合
則道有三自秦州通天長鳳泗卽皇陵驚最要白
黃橋逼瓜儀搖南都而梗漕次之若從富安而東
海濱荒涼擄掠無所得至廟灣絕矣乃吾得地時
也於是部諸將防逼令毋得過天長瓜儀而分兵
綴賊後賊果走廟灣遂欲以策困之通政唐順之
以視師至促戰死傷甚衆順之度不能克釋去遂
益合兵攻圍賊困甚欲遁副使劉景韶督兵焚其
舟賊救舟我兵水陸攻之大潰斬首八百餘級江

北倭悉平其寇福建者張甚連攻破寧德福清永
福諸邑巡撫阮鶚罷去王詢劉燾游震得相繼無
閩無尺寸功宗憲檄叅將戚繼光往援時賊據寧
德之橫嶼阻水爲營路險隘官軍坐守踰年莫敢
進繼光軍令嚴所部用命至則令軍中人持束草
填河進力戰大破之生擒九十餘人斬首二千六
百餘級焚溺死者無算奪所擄二千七百餘人歸
乘勝勦福清牛田倭又破之繼光初至福清邑令
及父老請師期繼光曰吾兵疲且休矣俟緩圖之

賊偵者歸告不爲備其夜督兵行三十里黎明破
其巢邑人尚未知兵出也繼光歸賊復肆四十一
年攻陷興化總兵劉顯去賊一舍而軍不敢戰後
命繼光往時賊方巢平海聞繼光至欲逃爲俞大
猷所扼不得出繼光督軍薄戰大猷繼之因風縱
火賊皆糜巢中無脫者支黨寇仙遊連江諸處盡
討平之當是時徵繼光幾無閩未幾廣東倭亦爲
官軍所敗逃至甲子門將奪舟入海暴風盡溺得
脫者僅二千餘留屯海豐俞大猷就圍之賊食盡

欲走副總兵湯克寬伏兵待之賊至伏發擒斬幾盡倭患遂息自東南中倭以來十餘年間中外騷擾財力俱訕生靈之塗炭已極倭亦大傷至盡島不返隆慶時海上通寇曾一本等復稍稍勾引入犯聞粵我亦嚴為備旋至旋撲非如嘉靖之季矣始倭盛時議者以市舶罷夷無所衣食故反宜開市如諸番叅將大猷以為倭與諸番不同諸番產物多舶至而征之其利厚倭之市僅一刀一扇無他產可利也而又生禍端國初絕之今忍開之乎

且倭能苦我者我苦而禦之主客反而勝敗分也吾以盜為重以舟為家明軍侯嚴約束來擊去是倭可制矣舍此不圖而輕與之市為國家生事後必悔之大猷習海上事後多用其畫日本稱王者自源氏歷橘氏平氏以至秦氏即藤氏其秉政者曰關白神廟初平信長為關白雄鷲能鎮下有秀吉者幼而賤勇躋辯才販魚而醉臥樹下信長出獵馬驚欲殺之以辯而免養為義子更名森吉每出戰無不摧信長遂據二十餘州殺其主而秀

吉以賞輕頗怨望信長恐其叛乃令為攝津鎮守
大將口而信長為部將明智所弑秀吉討平之廢
信長之子而自立當是時乃萬曆十四年也至十
七年盡并六十六州矣嚴刑以御衆狡智以誘叛
故所嚮皆靡亦以是失衆心是年誘琉球不下脅
朝鮮朝鮮遂入貢次年將自朝鮮入寇禁琉球弗
我貢恐以涉其事琉球相鄭迴密以聞天子乃下
詔責朝鮮千戶遂自金山掠朝鮮戊戌秀吉死始
底定詳朝鮮考中其地北跨朝鮮南盡閩浙其西

北至朝鮮山對馬島洋信宿至閩浙順風旬
步至其主居山城改稱山城右山城之南為和泉
入南為沙界沙界之東南也北伊紀伊之東無伊
賀山城之西為丹波山左之西為播磨石
為但馬右之西為備前山左之西為備前
左之西為備中右為備前山左之西為備前
西為備後之北境出雲之南境備後之西為出雲
出雲之西為石見安藝石見之西為山口本國即
古之周防州也山口之西為長門關渡在焉渡此

古傳錄卷三 古傳錄 卷三

而西為豐前其南為豐後又其南為日向豐前之西北為筑前西南為後筑後之南為大隅大隅之西為薩摩豐後東南懸海為土佐為伊豫為阿波阿波相近懸海為淡路土佐豐後之間為佐加那薩摩之北為肥後又其北為肥前肥前西懸海為平戶平戶之西為五島北為多藝為伊岐極北則對馬島諸島皆有酋長山代山代一類空名耳倭不真其號令內相攻強則役屬而豐後最大每歲清明後至五月重以後至十月常多東北風利入寇故

防海亦以三四月為大汛九十月為小汛其入海薩摩肥後長門三州大汛則鳴筑前氣後博多口向豐前豐後和氣諸島俗喜盜擊一知一後戰此里列緩步為蝴蝶陳前一人揮白扇為一止一太一竹一穴一以骨為一漢一極剛利中國不及也甲一不一懸一頭一斷髮黥面文鳥婦一髮一既足間用履一十一氣濕煖宜禾稻桑麻一產一玳瑁一木一晶一硫一黃一木一銅一鐵一日一珠一青一玉一蘇一木一高一木一細花布漆器扇刀一鏡甲一月道一由一寧波一達一於一京一

茅元信曰今我之與倭者其然似密而膏味
兵減於伍將至於法器毀於日然猶可言也惟是
我之步卒不能當倭之利刃後之水關不能當倭
之戰艇故先正謂禦倭者必禦之於海設會館以
法謹戰艘之修所以事貴豫也今防汎者以捕魚
爲業而舟楫帆檣故者莫葺缺者莫補白失其險
釁將安弭至於絕貢市杜私販固萬年長策哉然
亦盡然也天地不能違人情而制道聖王不能
違情而制治我之利於倭者一扇一刀固遠物

之不實倭之利於我者絲纊針磁乃養生之必需
貢市絕則私販通私販通則寇掠啓私販則姦民
藏致勾引之隱禍譏察廢致禁物之闌出貢市通
則舍門戶之險延盜中堂均不可也而私販者日
益其將吏防閑適所以啓賄冒法而出必非良民
冒法而入寄命人手故昔則教之入寇今且教之
造船使彼之船與我等便彼之習船與我等巧勝
負未可知也故不如稅販物藉商名嚴冒禁核往
返收其什一而挈其綱領順其性欲而杜其侵凌

誠良法也昔者肅皇帝之禁北虜馬市也日再言者斬今竟以貢市收五十年之奠安制治因乎時耳東南之禍在於日夕主國是者曷深長思哉其地理語言嗜好寇術特詳之左方以告來者

武備志卷二百三十一

武備志卷二百三十一

防風茅元儀輯

占度載

度 四十二

四夷 九

日本考 二

茅子曰日本之地不其廣而置道分州列郡其數蓋摹倣中華而侈言之者也語言嗜好不明則無以知其情船舶利器寇術不詳則無以制其變故

差次之

疆域 津要附

譯語

嗜好

船舶

利器

寇術

疆域

畿内部 州五

二十一

山城 大 太和 大 河内 大 和泉 小 攝津 大

右共統五十三郡

畿外部 道七

東海道 州十五

伊賀 小 伊勢 大 志摩 小 尾張 大 三河 大 遠江 大

駿河 大 伊豆 小 甲斐 大 相模 大 武藏 大 安房 中

上總 大 下總 大 常陸 大

右共統一百一十六郡

東山道 州八

近江 大 美濃 中 飛彈 小 信濃 大 上野 大 下野 大

陸奥 大 出羽 大

右共統一百一十二郡

北陸道 州七

若佐 小 越前 大 加賀 大 能登 中 越中 大 越後 大

佐渡 小

右共統三十郡

山陰道 州八

丹波 大 丹後 中 但馬 大 因幡 大 伯耆 大 出雲 大

石見 小 隱岐 小

右共統五十二郡

山陽道 州八

播磨 大 安藝 大 美作 大 備前 大 備中 大 備後 大

周防 大 長門 中

右共統六十九郡

南海道 州六

紀伊 大 淡路 小 阿波 大 讃岐 大 伊豫 大 土佐 中

右共統四十八郡

西海道 州九

筑前 大 筑後 大 豐前 大 豐後 大 肥前 大 肥後 大

日向 中 大隅 中 薩摩 中

右共統九十三郡

島 二

壹岐 小

對馬 小

共為驛四百一十四戶七萬餘課八十八萬三千二百二十九

津要

國有三津皆商舶所聚通海之江也西海道有坊

津薩摩州花畑塔津筑前州柳津伊勢州三津惟

坊津為總路客船往返必由花畑塔津為中津地

方廣闊人煙湊集中國海商無不聚此地有松林

方長十里名十里有百里松土名法哥煞機乃廂先也有

一街名大唐街唐人留彼相傳今盡為倭也洞津

為末津地方又遠與山城相近貨物或備或缺惟

中津無不有貿易用銀金銅錢憑經紀名曰乃隔

依理錢鑄天順永樂洪武樣自琉球銀一兩換三
百三十三文零用三文抵一分總錢千稱一貫每
米一石常價一兩中國斛可三石絹段有花素花
者三四兩素一兩大紅七八兩

譯語

天文

天 天帝

日 虛露

月 禿計

星 什泥

風 有朱

雲

雨 挨迷

霧 吉利

雪 計伏六

霜 名味

落雨 什魯

時令

早 來運

夜 搖落

午 非路

晚 搖撒

明 水挨介

暗 水骨辣

冷 水二亭

煖 水挨介

今日 詐以呼雞

明日 挨迷亞

後日 野亞撒

昨日 傑好

前日 堆多

日暮 路非路

今日 來取

明日 來挨

後日 來挨

地理

武備志卷三十三

占度載度

四夷九

三

陸	伊	信	出	近	但	加	長	越
畧	岐	濃	雲	江	馬	賀	門	前
話	尤	農	申	太	因	米	多	麼
收	訖	阿	字	島	什	茄	茄	知

多	女	隱	飛	伯	佐	丹	越	播
藝	島	岐	彈	耆	渡	後	後	磨
		和		花	沙	丹	日	法
		訖		計	渡	哥	清	里

出	下	上	石	美	因	能	丹	越
羽	野	野	見	濃	幡	登	波	中
迷	于	計	彌	木	白	奴	丹	日
外	訖	子	坐	奴	奴	衆	白	晝

珍	北	東	方	平	種	小	宮
寶	多	薰	向	戶	島	島	島
金	多	加			什	麼	迷
冠	多	加			麼	麼	換

銀	前	南		佐	博	對	五
搭	日	來		加	多	馬	島
失	利	南		關	達	島	我
落	菱	南			哈	則	島

珠	後	西		三	竹	連	男
他	利	義		島	島	島	島
賣	吾	西		密	他	卒	賀
	失	西		什	麼	麼	什

武備元卷三十三

七

人物

錢前移
水銀明東
楷尼

黃銅
好銅錢
善尼

紅銅
楷尼

皇帝
大利天
王家里

官
野雞
大鳥

百姓
別姑

公翁知

大官
野雞

婆
猶潘

父阿爺

母發發

兄換尼

嫂阿尼

弟阿多

妹一亞尼多

姊亞尼

婿完多

子莫宿

姪何義

女莫宿

孫胡來

丈人子多

丈母子多

叔何老前

丈夫壽山

婦人倒家

老要古

女子何奈

後生達家

孩歪鼻

親眷新雷

姐夫迷哥

朋友道門大帝

女婿米哥

僕字三郎

小厮水玉

和尚才老

老實人埋骨

艱難人胡奈故

人

強盜六宿

瞎子滑骨

獨眼人密咬

你撫哥了

誰人搭梭

我何埋利

徒弟加食

財主妻斗島

武備元卷三十三 占喪 度 四夷 九

送與我面皮

出去計一

喜一啜水

飲那慕

喫何賣

走法利古

借各脰路

唱嘔夫

教何水

愛惜打搖落

前行殺雞

說話未納

獨樂哥賣

安排蘇路

快去計法古

買賣加鳥

莫怪乃哥

喫酒殺麻雞

怕後路

行門挨龍

怠慢難利骨多

羞愧水番助山

不來賈未

打人達生亞

不喫了禁哥

多喫酒何賢

那里去移陀姑

添所路 賣無鳥路 痛水一 遊步酒 殺其奴 害天阻 肚餓熱 打子胡 醉邀帶

行路的益 叫多奴 起身的後 還了數也 請人推家 不賣烏加 哭乃古 有情亞乃 換皆賀

曉得打個 老實說話買多 多多喫了前 不曉得措不 慢慢的買得 恁麼難在 多少賴一 無情乃亞 無工夫擲一

武備志卷三十三 占度 度 四庚九

武備志卷之三十一 占度載 庚 四 九

爪 卒 脛

器用

小刀 曆過 乃乃 空
刀柄 脫介 乃
盒子 剛白
砂石 依搭 水
薄紙 沃子 蠶
厚紙 沃水 速
鑰匙 坵其

齒 法

中刀 柴歪 需計
甲 大買
紙 加迷 袂
筆 粉地
扇 黃旗
船 浮泥
鑊 難皮

香

大 刀 關中 楚
弓 油 打 奈
硯 孫功 子 俚
墨 疎 煉
鎖 哥 利
針 快 利
磨 刀 石 依 水

身體

寫字 加利 加計
買 加利
喚 加右
怪 多發 堅且
心 路 个
眉 賣 尤
耳 雇 目
髮 夾措 迷

死 身大
笑 歪 罷
輪 扭埋 利計

口 骨上
手 鈎
頭 容 成
肚 發 賴

腫 刺大
活 吉打
傷寒 雞骨

鼻 發 奈
足 換 身
鬚 薰 計
指 尤 皮

數目

五 十 九 乃 個 六 後 子 多 三 咀 子 多 一 微 咀 多 丟 多 子 丟

百 法 十 多 古 七 子 乃 搖 乃 四 學 子 搖 一 箇 个 利

千 貫 借 一 十 一 多 達 八 多 子 五 難 多 二 去 子 扶 達 子

雞 泥 孤 魚 遊 泥 羊 羊 其 河 環 多 禮 地

見 蟹 鵝 米 眠 子 助 措 泥 解 加

馬 鳥 馬 蠱 水 失 辣

花 木 笋 乾 糞 水 路 大 麥 崎 蒙 瓜 梅 杉 松 計 鳥 獸 牛 胡 水

醬 瓜 豈 磨 米 小 麥 磨 蒙 檜 雞 手 那 芥 水 惹 辣 麻 骨 莫 入 狗 意 奴

肉 穀 薯 米 松 埋 止 菜 奈 茄 子 皮 乃 沈 猪 豕 豕

萬慢亦

通用

有

迷挨路路

極

好明哥

小

發飾

遠

多俟

短

迷加

厚

挨卒

破

羊銀里

無

乃出無

不好

乃古

少

乃水

近

的個

細

相快大

薄

水溫卒

不是

乃松山係

好

高高的

大

加小思姑

多

快都河

瘦

大禾下

朽

路骨飾

歪

貨不

要

紫馬多合子

嗜好

未

慢大

緩

慢大

無用

設計

香

水于牌

多有

何何

臭

水骨飾

絲所以為織絹紵之用也蓋彼國自有成式花樣
 朝會宴享必自織而後用之中國紀紵但充裏
 衣而已若番船不通則無絲可織每百斤
 斤真銀五六兩販去者其價十倍
 不能耐寒冬月非此不煖常因
 匱乏每百斤價銀至二百兩
 布用為常服無
 綉染彼國花樣作錦繡優人劇戲用
 綉正衣服之用錦繡之衣服不用
 以束腰腹以為刀帶書帶畫帶之
 用常因匱乏每斤價銀七十兩
 水銀鍍銅器之
 倍中國常因匱乏每斤價銀七十兩
 針女工之用若不通番船而
 百斤賣銀三百兩
 針止通貢道每一針價銀七

武備志卷三百五
 三度載度
 四夷九
 十四

分鐵鍊懸茶壺之用倭俗客至飲酒之後吸茶吸

故鐵鍋彼國雖自有而不大大者至磁器而用之

香爐以小竹節為尚碗碟以菊花稜為尚碗

錢倭不自鑄但用中國古錢而已每二千文價銀

用永樂開四兩若福建私新錢每千價銀一兩二錢惟不

元二種古名畫最喜小者蓋其書房精潔懸此

古名字書房粘壁之用古書五經則重書禮而忽

論語學庸而惡孟子重佛經無道藥材諸味俱有

經若古醫書每見必買重醫故也惟無川芎

常價一百斤價銀六七十兩此其至難至貴檀

者也其次則甘草每百斤二十金以為常檀

馬背毳王家用青粉女人搽小食蘿而漆飾者然

官家用紅粉面之用

惟古之取若新造則雖精漆器文凡古盒硯箱

巧不喜也小盒子亦然者其最尚也盒子

惟用菊花稜圓者不用

船舶

日本造船與中國異必用大木取方相思合縫不

使鐵釘惟聯鐵片不使麻筋桐油惟以草塞罅漏

而已名短水草費功甚多費材甚大非大力量未易造

也凡寇中國者皆其島貧人向來所傳倭國造船

千百隻皆虛誑耳其大者容三百人中者一二百

人小者四五十人或七八十人其形卑隘遇巨艦

近有中
國人以
番船之
法令如

式造千
艘非如
此拙矣

難於仰攻苦於犁沉故廣福船皆其所畏而廣船
旁陡如垣尤其所畏者也其底平不能破浪其布
帆懸於桅之正中不似中國之偏桅機常活不以
中國之定惟使順風若遇無風逆風皆倒桅盪櫓
不能轉欵故倭船過洋非月餘不可今若易然者
乃福浙沿海奸民買舟於外海貼造重底渡之而
來其船底尖能破浪不畏橫風鬪風行使便易數
日即至也凡倭船之來每人帶水四百斤約八百
碗每日用水六碗極其愛惜常防匱乏也水味不

同海水鹹不可食食即令人泄故彼國開洋必於
五島取水將近中國過下八山陳錢之類必停船
換水所以欲換者冬寒稍可耐久若五六月蓄之
桶中二三日即壞雖甚清冽不能過數日也海洋
浩渺風濤叵測程不可計過山而汲亦其勢耳鹽
額沐浴海水山水亦可用或云浴海水令人膚冽
近訪之不然但黑肌膚而已倭奴有一秘法煮泉
一二沸置之缸缶能令宿而不壞然亦不過半月
久則不能也其至普陀必登者非換水亦非真欲

焚香乃覬兵防虛實耳

利器

刀大小長短不同立名亦異每人有一長刀謂之佩刀其刀上又插一小刀以便雜用又一刺刀長尺者謂之解手刀長尺餘者謂之急拔亦刺刀之類此三者乃隨身必用者也其大而長柄者乃擺導所用可以殺入謂之先導其以皮條綴刀鞘佩之於肩或執之於手乃隨後所用謂之大制又有小裁紙設機刀出長門號兼常者是嘉又有

作贊禮賀禮不拘大小名雖為刀其實無用

上等曰上庫刀山城君盛時盡取日本各島名匠封鎖庫中不限歲月竭其工巧謂之上庫刀其間號寧久者更嘉世代祖傳以此為上

次等曰備前刀以有血槽為巧刀上或鑿龍或鑿劍或鑿八幡大菩薩春日大明神天照皇大神宮皆其形著在外為美觀者

如匠人製造之精不論刀大小必於柄上一面鐫名一面刻記字號以為古今賢否之辨鎗劍亦然

武備志卷之三十一
鳥銃原出西番波羅多伽兒國佛來釋古者傳於
豐州造鳥銃一門價二十餘兩用之奇中別州無
此妙
制火藥亦得真傳用梧桐燒炭爲領次取酸硝滾
水煮過三次硫黃擇明淨者爲勻每銃用藥二錢
多彈遠中四季各有加減之方一銃總按三彈橫
直分發皆秘法也

寇術

倭英慣爲蝴蝶陣臨陣以揮扇爲號一人揮扇衆

皆舞刀而起向空揮霍我兵倉皇仰首則從下砍
來又爲長蛇陣前耀百脚旗以次魚貫而行最強
爲鋒最強爲殿中皆勇怯相參賊每日雞鳴起蟠
地會食食畢夷酋據高坐衆皆聽令挾冊展視今
日劫某處某爲長某爲隊隊不過三十人每隊相
去一二里吹海螺爲號相聞卽合救援亦有二三
人一隊者舞刀橫行薄暮卽返各獻其所劫財物
毋敢匿夷酋較其多寡而羸縮之每擄婦女夜必
酒色酣睡劫掠將終縱之以焚煙燄燭天人方畏

其酷裂而賊則抽去矣愚論我民勿使激擊專用此術賊至民間遇酒饌先令我民嘗之然後飲食恐設毒也行衢陌間不入委巷恐設伏也不沿城而行恐城上拋磚石也其行必單列而長緩步而整故占數十里莫能近馳數十日不爲勞布陣必四分五裂故能圍對管必先遣一二人跳躍而蹲伏故能空竭吾之矢石火砲衝陣必伺人先動動而後突入故乘勝長驅戰酣必四面伏起突連陣後故令我軍驚潰每用怪術若結羊驅婦之類當

先以駭觀故吾目眩而彼械乘慣雙方上誑而下反掠故難格鈇鎗不露竿突忽而擲故不測弓長矢巨近人則發之故射命中斂跡者其進取也張揚者其逃遁也故常橫破舟以示遁而突出金山之圍造竹梯以示攻而旋有勝山之去將野逸則逼城欲陸走則取棹或爲奔以詐坑或結稻桿以絆奔或種竹簽以刺逸常以玉帛金銀婦女爲餌故能誘引吾軍之進陷而樂爲吾軍之邀追俘虜必開塘而結舌莫辨其非倭故歸路絕恩施附巢

之居民故虛實洞知賞豐降虜之工匠故器械易具細作用吾人故盤詰難向導用吾人故進退熟宿食必破壁而處乘高而瞭故襲取無機間常一被重圍矣餌以偽馘而逸之或披蓑頂笠沮溺於田畝或雲巾紵履蕩遊於都市故使我軍士或愚而投賊或疑而殺良江海之戰本非其長亦能聯虛舟張弱簾以空發吾之先鋒捐婦女遺金帛以彌退吾之後逐凡舟之裾墻左右悉裹布帛被褥而濕之以拒焚擊交闕間或附蓬而飛越即雷震

而風靡矣寇擄我民引路取水早暮出入按籍呼名每處爲簿一扇登寫姓名分班點閱真倭甚少不過數十人爲前鋒寇還島皆云做客回矣凡被我兵擒殺者隱而不宣其鄰不知猶然稱賀

武備志卷二百三十一

孫卿小早春出人

孫卿小早春出人

孫卿小早春出人

孫卿小早春出人

孫卿小早春出人

孫卿小早春出人

孫卿小早春出人

孫卿小早春出人

孫卿小早春出人

孫卿小早春出人

孫卿小早春出人

